

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Un felis dia pa bo. Bon bini riba nos plenchi di alegria. Nos plenchi positivo. Tur ta konta a hasi su kwes anual. Tabata atrobe masha interesante mes. Mira nos hóbennan kompetí sano ku otro. Prepará huntu na skol, pa despues bin kompetí den grupo mas grandi. Nos ta orguyoso di tur skol, alumno i mayor pa nan dedikashon i esfuerso pa nos hóbennan traha riba nan desaroyo. Anto un danki na Fundashon Tur ta konta pa nan trabou inkansabel na bienestar di nos hóbennan. Boso ta kampion.

Nos tin talento, ban duna espasio pa esaki por desaroyá.

Bo a kòrda ku ainda nos ta den kuaresma? Bo a hasi yuna i apstenensia? Bo a kòrda riba bo próhimo? Ba bishitá grandinan? Bo sa ken den bo bario bo por yuda ku un pakete di kuminda? Bo a kòrda duna paña ku ta den bon estado na esnan ku ta den nesesidat? Nos tin ku duna atenshon i plama amor.

Un felis fin di siman pa bo. Kuida mi ruman.

Riba roster



Sr. Sint Jago, presidente di SKOA (stichting Katholiek Onderwijs) i sra. Baly, direktor di Skoa a bishita RK schoolbestuur na Korsou. Danki pa boso bishita i boso man di koperashon mutuo.



Blenchischool ku atenshon pa bestia. Kuido ku kariño





Un prenci



Esaki ta alumnonan di st. Franciscus College ku a partisipá na "Kids for coral". Pa nan partisipashon tur a risibí un sertifikado. Nan a sera konosí ku e bida bou di laman i tambe a siña e téknikanan básiko di snòrkel.

Mucha djispou

Bo ta kòrda ku bo mener tabata bisabu:

“traha e sòmnan aki foi bo kabes, paso bo no por tin calculator semper huntú ku bo”.

Awel nan a logra ku e hóbennan a inventá telefon mobiel ku tur kos na nan alkanse. Di telefon, kamara te calculator. Un prueba mas ku skol ta prepará pa pasado.